

# Malusi le Ntatauwane ya ka Pafong

Kanegelo ka Leo Daly

Diswantšho ka Magriet Brink



Lentšú le lengwe le le lengwe le le latelago ke nnete. Ke a ikana gore nka se bolele maaka, ge nka bolela maaka ke tla ja ntšhi!

Nna le sesi wa ka Zandi, re rata go bapala ka tšhengwaneng. Re gatakela leraga gomme re epa melete ya go sobelela go ya fase.

Zandi o ba ditšhila go feta nna. Nna ke tšhilafala diatla le maoto fela. Zandi o thankgela gohle. O thankgetša meriri ya gagwe le matsogo. O tšhilafatša le nko ya gagwe.





Mma a re, “Lena ba babedi, ke nako ya go hlapa!”

Efela Zandi ga a tle ka ntlong. “Malusi,” a mpitšha, “ke dula gona mo!”



Efela ke rata maphilo ao a sesepe sa go hlapa. Ke ile ka ikgohla maoto. Ke ile ka a gohla, ka a gohla gape. Go bose kudu.

Zandi o ile a tsena. “Malusi,” a realo, “naa ga o tšhabe Ntatauwane ya ka Pafong?”

“Ga go na selo se bjalo ka seo,” ka sega.

“Ee, se gona,” a realo Zandi. “E tšwelela lešobeng la plaka gomme e na le matsogo a mararo le mahlo a mane, ebile ga go na selo seo Ntatauwane ya ka Pafong e se ratago go feta go ja bana ba go hlweka.

Bjale ke thoma go tšhoga. Go ra gore Ntatauwane ya ka Pafong e gona ka nnete.

Zandi a myemyela kudu, “Go lokile, Malusi. O ipshine ka go hlapa!” A tšwa ka phapošing ya bohlapelo a leba malaong.

“O se tšhoge, Malusi,” ka ipotša bjalo. “Ga go na selo se go thwego ke Ntatauwane ya ka Pafong.”





Go ile gwa diragala!  
La mathomo go ile  
gwa kwagala motsetlo  
wo mogolo le korutlo  
ye kgolo. Morago gwa  
kwagala go tswinya  
le phankгаа le  
huuuuuu! Mafelelong  
selo se ile sa tšwa ka  
lešobeng la plaka:  
NTATAUWANE YA KA  
PAFONG!

Ke sešo ka dira  
selo, Ntatauwane  
ya ka Pafong ya  
ponyaponya mahlo  
a yona a magolo a  
mane gomme ka  
lentšuu la peisi la ka  
meetseng ya re, “Ga  
se wena o nago le  
ditšhila.


Ke sesiago, akere? O phela a bolela dilo tše dimpe ka nna –  
tše e sego dinnete. Ga go le e tee ya  
Dintatauwane tša ka Pafong yeo e  
ratago go ja bana.”

“Ga o je bana?” Ka realo, ke ikwa  
ke imologile.

“Le gatee,” Ntatauwane ya ka  
Pafong ya sega.

“Le Ntatauwane ya ka  
Ntlwaneng ya Boithomelo  
ga e rate go ja bana –  
e ja ba go ba le  
ditšhila fela, bao ba  
yago mpeteng ba  
sa hlapa!”

Ijoo, aowa! Bjalo  
Zandi yena!



Ka potlako, ke ile ka botša Ntatauwane ya ka Pafong ka sesi wa ka. “Ga se wa swanela go senya nako,” ya realo Ntatauwane ya ka Pafong. “Tšhela meetse ka galaseng gomme o kitimele ka phapošing ya Zandi ya malao ka lebelo ka mo o ka kgonago ka gona.”

Ke ile ka fihla e sa le nako  
– Ntatauwane ya  
Mpeteng e kgauswi  
le go metša  
Zandi. “Tloga,  
ntatauwane!”  
ka goletša. Ke  
ile ka tšhela  
mmele wa sesi  
ka moka ga ona  
ka meetse.



Go lokile. Ke phološitše Zandi go Ntatauwane ya Mpeteng! Se ke seo ke se botšago Mma ge a mpotšiša gore ke ka lebaka la eng ke tšhela sesi ka galase ya meetse. Ga ke tsebe gore o a ntshepa naa. Efela ke mmoditše nnete fela. Ke a ikana gore nka se bolele maaka, gomme ge nka bolela maaka ke tla ja ntšhi!

## E BA MOHLAMI!

- Thala seswantšho sa Zandi a na le ditšhila kudu ebile a tšhogile. Thala seswantšho sa ntatauwane ya go tšhoša e eme kgauswi le yena.
- Thala pudula ya ntatauwane gomme o ngwale seo o naganago gore ntatauwane e se boditše Zandi.



# Malusi le Ntatauwane ya ka Pafong

Kanegelo ka Leo Daly • Diswantšho ka Magriet Brink



## Go bona

Thala seswantšho sa go bontšha gore nkabe o le bjang ge nkabe o ile wa ralokela marageng le Zandi le Malusi.



## Go bala


Nagana seo se diragetšego ka gare ga kanegelo gomme o arabe dipotšišo. Nyaka dintlha ka gare ga kanegelo go go thuša.

- ★ O nagana gore Zandi o dumela go Ntatauwane ya ka Pafong?
- ★ O nagana gore ke eng seo a se boletšego go Malusi ge a mo tšhela ka galase ya meetse?
- ★ O nagana gore mmago Malusi o mo kgotšwe ge a mo hlaloseiša gore ke ka baka la eng a a mo tšhetše ka meetse?



## Go ngwala

Hlola kgobokeišo-tšhupo ya Ntatauwane ya ka Pafong. Thala seswantšho sa kamoo e lebelelegago ka gona gomme o hlalose gore e lebelelega bjang, gore ke medumo efe yeo e e dirago le gore e dula kae, gore ge motho yo mongwe a ka e bona, a ka kgona go e lemoga le semeetseng!



## Go dira dilo

Naa o nagana gore Ntatauwane ya Ntlwaneng ya Boithomelo le Ntatauwane ya ka Šawareng di lebelelega bjang? Šomiša dilo tša go šomišega gape bjalo ka mapokisi a mae, dikhurumelo tša mabotlelo, dirolo tša ntlwaneng, dikarolo tša pampiri ya go phumola diatla gammogo le sekgomaretšo, pente le pampiri go dira Ntatauwane ya Ntlwaneng ya Boithomelo le Ntatauwane ya ka Šawareng.

## Go bapala terama

Bolela kanegelo ya go segiša ya sesepe sa go thedimoša le go hlatswa.

